

命使之館書圖  
施實其及

著 實 鏡 蔣

1929

館書圖州蘇立區學大央中

## 圖書館之使命及其實施

蔣鏡寰

### (上) 導言

圖書館是知識之原泉，爲學術之寶庫，係社會之樂園，乃人生之良友，此固人所共知。而圖書館在教育上之價值，自不待言。國有國立圖書館，省區有省區立圖書館，縣市鎮鄉有縣市鎮鄉之圖書館；其他尚有私家設立及會社附設之圖書館，圖書館實占社會教育之重要位置也。即就學校教育而論：大學有圖書館，中小學有圖書館，專門學校，職業學校，以至特殊學校……等，亦靡不各有其相當之圖書館。或主國學，或重科學，咸爲學校教育不可缺少之設施。是則圖書館

誠兼學校教育，社會教育而有之；其爲普及教育之維一利器  
允矣。

歐美各國于圖書館，極爲重視。其設置與人口爲正比例，  
擴充改進，不遺餘力。至造就人才，則設學系；研究方法，  
則組會社；既有專家以商榷，復多書籍資參攷；故其規模之  
宏，設備之周，事業之發展，成效之卓著，誠足予吾人以慚  
愧而策勵者也。

辛亥以還，我國教育，逐漸革新，而圖書館亦受國人之注  
意，公認爲必急之務；復經承學之士，專攻力行，采彼邦之  
學理，參吾國之情勢，斟酌而折中之。亦嘗組織協會，聯合

研究；發行專書，竭誠提倡；推行以來，忽逾十載，其成績始稍稍可觀。以視歐美，尙未可同日而語也。

### (中) 圖書館之使命

竊嘗思凡百事業，莫不具有特殊之作用，負相當之使命。即圖書館亦何獨不然。爰就我國今日圖書館之使命言之：

#### (一) 宣揚黨義

凡爲黨治下之國民，無不當明黨義；此黨化教育之所以重也。今吾國既以黨治國，則凡黨紀，黨綱，以及三民主義，五權憲法，……等之意義，俱宜盡量宣傳，使民衆得澈底之了解，無干格之懷疑。於是施一政，能奏一政之效；舉一事

，能收一事之功。人民對國家，有黨的信仰；國家於人民，行黨的主義。由訓政而憲政，以內治得外安，可以預卜焉！然則值此訓政開始之時，宜如何以宣揚黨義？發揮黨旨？曰惟圖書館於社會最普遍，與民衆最接近，館無論大小，地無分城鄉，均宜多備關於黨化之書籍，圖畫，標語，表解；等；或特設革命文庫，黨書專部。視各地閱者之情形，而分別其質量之淺深；務使民衆日夕薰陶於黨義之中，感受黨化於不自覺；則黨國前途，實有裨益也。

### (二) 激勵國恥

在此國政刷新，外交進展之機，人民俱以取消不平等條約

責望於政府。殊不知此中華民國，非僅政府所有之國家也；乃吾全體民衆之國家也。欲期外交勝利，非由吾全國民衆共同努力，刻苦自強，誓雪國恥不爲功。

試思吾國外交史上之國恥，指不勝屈。人民多漠然置之；卽有少數稍具志氣之士，表示憤懣於一時。稍久亦事過境遷，致有五分鐘熱度之誚。蓋羣衆運動不過臨時之興奮，未足以持久遠。欲圖根本之計，莫如就全國各地圖書館，自小學校之兒童圖書館起，以至窮鄉僻壤之通俗圖書館，農民圖書館：等，靡不注意國恥材料之搜集；或編印詩歌，或繪製圖表，使人民普知國恥之經過，激動烟戒，油然動其愛國之

念·加自身以奮勉，作報復之準備·彼日之勝俄，歸功於小學校之教師；法之敗德·收效於油畫院之表現。今吾國圖書館界能同負此重大之使命，則將來國恥之雪，國權之張，自不難實現也·

### (三) 介紹學術

世界愈進化，學術愈進步·文學，哲理，固關重要，所謂精神上之文明也·至於農礦工商諸業，則在在與科學相關聯，所謂物質上之之文明也·故欲增社會之生產力，非注重科學不可·欲注重科學，斷非僅限於學校；更非專限於學校之課室·其參考引証之書籍，汗牛而充棟；發明獲見之事實，

日新而月異。蓋人類之於宇宙，其所爲事業，均爲有生機之演進。必隨時隨地，廣蒐博采。不論原著，譯本，舉凡個人所不易購置之書籍，圖書館均應盡力添藏，以應專門學者之參攷。

即普通人民之缺乏科學思想者，幾不知科學爲何物。亦當不嫌淺顯，酌量收藏關於科學常識，及科學遊戲，……等圖書。則使一般民衆，或兒童婦女，俱有研究科學之興趣，獲得充分應用之常識。然則學術介紹之責，舍圖書館又將奚屬？

#### (四) 保存國粹



吾國書籍，向多秘藏。卽有官辦或私家之藏書，亦不公開。非常人所能入覽。其性質重於珍藏，而不重閱覽。越時久遠，既不免霉爛蟲蝕之虞；世局滄桑，更常有竊易變賣之弊。以求價格之稍昂，交易之較秘也，於是國內舊藏之古籍，名著，孤版，珍本，每年之運銷外洋者，何可勝數？以致國內圖書館所不可得者，而外國圖書館則有之？國內圖書館所罕見僅有者，而外國圖書館則盡有之。彼於他國圖書，尙不惜重資，力事搜羅；而我對本國國粹，且不能自保，甯不可恥？

况吾國爲文明古國，開化之早，文物之盛，先哲名賢之學

說，自有相當之價值，未可以埋滅者。根據舊文學，融合新文學，斯爲正本之論。若舍己從人，未免張冠李戴，難收實效。故凡國內各圖書館，對於先哲遺著及古代名著，均宜隨時留意，設法保存，勿使失之海外。同時尤須使國人知喪失古籍之可惜，而知保愛。則國粹永維，亦國之幸也。

### (下) 圖書館之實施

圖書館既負重大之使命，則辦理圖書館者，宜如何規劃？如何進行？如何努力以求實效？此實施方法之亟宜注重也。蓋圖書館之經營，必有預定之目標，及正當之原則。不偏不倚，盡心盡力。循此途經，準此規範。吾知其必有成也。實

施之原則維何？請舉其要：

(一) 科學化

圖書館之組織，以編目，管理二者爲最重要。圖書之編目，必先選定一精當之方法。如何登錄也？如何分類也？如何製卡也？著者之雖碼如何區別也？書名之索隱如何摘要也？互見書之如何介紹？叢類書之如何分晰？以及蓋印，黏籤，製根……等，手續至爲煩瑣，而順序未可或紊。依類相從，舉一反三。在在宜用科學的方法，以原理證明事實，采事實應用原理。旣然矣，則駕熟就輕，安繁若簡；而不宜輕易更變。此編目之宜科學化也。

圖書之管理亦然。如何排列也？如何典藏也？如何出納也？如何統計也？如何便利閱者？如何節省時間？尤須以科學的方法，從事整理，不容自亂其例。此管理之宜科學化也。他若經費收支之預算，決算；閱覽人數之統計，比較；以及館務一切之工作，莫不如是。此圖書館之宜科學化也。

## (二) 社會化

圖書館爲社會事業之一。除學校圖書館外，幾爲社會教育之中心。有改良社會，指導社會之天職。故一切設施，俱宜以社會爲背景。務須適應社會之需要，引起社會之興趣。使圖書館與社會相親善，社會予圖書館以協助，蓋圖書館乃社

會之圖書館，反言之，社會亦圖書館之社會；二者實有密切之關係也。

更須考察社會情形，予以相當之指導及供給。如農村圖書館，則宜多選關於農業及農民所需之書籍；平民閱書室，則宜多備切於平民應用之圖書。此關於迎合需要者也。他若民風強悍之地，則宜多購溫良和平之雜誌小說，以補其闕；反之，人性柔弱之邦，則宜多採剛健勇義之寓言記錄，以矯其偏。此關於轉移民風者也。其他關於應時應景之設施，亦當隨時留意，變化活用。此圖書館宜社會化也。

(三) 藝術化

圖書館之位置，雖以交通便利爲適宜，但其環境，仍以幽靜清曠爲上乘。館舍之建築，及內部之設備，俱宜清潔優美，光線充足，空氣新鮮，均不可忽。尤須注意於閱書室桌椅之布置，櫥架之排列。壁間宜懸挂書畫，庭前宜栽植花草。務使有藝術之價值，呈美化之精神，對未入館者，有引人入勝之致；已來館者，有樂而忘返之概；夫如是則來館者日益衆多，閱書者漸成習慣。改良人民業餘之生活，促進教育普及之功能，豈不美哉？

且閱覽圖書之餘，於無形中受美感之陶冶，生高尚之思想。則於智育之外，兼顧德育。可以引起愛護公物之心，減少

妨礙羣衆之舉。此圖書館之宜藝術化也。

#### (四) 革命化

圖書館事業，尙在幼稚時期。圖書館同志宜本革命精神，向前猛進。不畏艱難，不慮挫折，以求全國之普及，駕歐美而上之。即其方法學說。亦與時俱進。不宜墨守舊法，一陳不變。採人之長，補我之短。但非盲目附從，務求適於實用。館中服務人員，更宜不厭煩瑣，不嫌清苦，犧牲心力，放棄名利。爲羣衆謀幸福，爲社會做工作。有持久之耐性，作終身之事業。凡革命應有之德性，吾圖書館同志俱宜有之。則將來教育普及，人民程度既高，國際地位自優，期達最後

之成功，吾圖書館同志，固當同負此重大之責任。此圖書館之宜革命化也。

不佞服務圖書館，瞬將十載，嘗聆杜威，鮑士偉博士之演講，及與杜定友，洪范五，李小緣，黃星輝……諸專家，商榷圖書館問題；同感國內圖書館事業進行之遲緩，深為慨嘆！值茲訓政開始，教育改進之際，圖書館發展有望。爰就平日感想，畧紓愚見；尚祈明達有以教正！

一九二九·一·一。于蘇州滄浪可園。





0  
44-53  
10